



## INVESTPRNJAVOR

# POSTUPAK REGISTRACIJE DRUŠTVA SA OGRANIČENOM ODGOVORNOŠĆU (d.o.o.) i prijava u Jedinствeni registar obveznika indirektnih poreza

## ■ POSTUPAK REGISTRACIJE DRUŠTVA SA OGRANIČENOM ODGOVORNOŠĆU

- Zakonom o registraciji poslovnih subjekata (Službeni glasnik RS, br.67/13), koji je u primjeni od 01.12.2013. godine, predviđen je „jednošalterski“ sistem registracije privrednih društava.
- Registracija se vrši u Agenciji za posredničke, informatičke i finansijske usluge (APIF), koja po službenoj dužnosti pribavlja JIB od Poreske uprave RS i JMB iz Republičkog zavoda za statistiku RS.
- Zakon o privrednim društvima, reguliše djelatnost svih oblika privrednih društava, a objavljen je u „Službenom glasniku RS“, br.100/17.

## ■ PRIPREMA I SASTAVLJANJE OSNIVAČKOG AKTA (odluka ili ugovor o osnivanju – notarski obrađeni akti)

Odluka o osnivanju društva sa ograničenom odgovornošću (d.o.o.) donosi se u slučaju da je osnivač jedno fizičko ili pravno lice i nije potrebna notarska obrada već samo ovjera potpisa osnivača kod notara (ako je osnivač jednočlanog d.o.o. fizičko lice, ovjera potpisa košta 3,50 KM + 17% PDV, a ako je osnivač pravno lice, ovjera potpisa košta 45,00 KM + 17% PDV). Ugovor o osnivanju d.o.o. zaključuje se kada društvo osnivaju dva ili više fizičkih ili pravnih lica i ugovor se notarski obrađuje.

Notaru je neophodno dostaviti sljedeća dokumenta:

1. Ime osnivača privrednog društva i adresu stanovanja,
2. Naziv privrednog društva sa adresom,
3. Ugovor o zakupu poslovnog prostora (ako privredno društvo nije u vlastitim prostorijama),
4. Ličnu kartu osnivača i diplomu osnivača (važeći pasoš ukoliko se radi o nerezidentu).

## ■ UPLATA OSNIVAČKOG ULOGA U NEKOJ OD POSLOVNIH BANAKA

Potrebno je otvoriti račun u nekoj od poslovnih banaka i položiti osnivački ulog u iznosu minimum 1,00 KM. Za otvaranje privremenog računa za osnivanje privrednog društva banci je potrebno dostaviti:

1. Notarski ovjerenu dokumentaciju o osnivanju d.o.o., odnosno odluku o osnivanju jednočlanog d.o.o. sa notarskom ovjerom potpisa,
2. Popuniti zahtjev i
3. Uplatiti depozit u iznosu od minimalno 1,00 KM.

## DOKUMENTA KOJA SU NEOPHODNA ZA REGISTRACIJU DRUŠTVA SA OGRANIČENOM ODGOVORNOŠĆU I KOJA SE PREDAJU U APIF

1. Odluka o osnivanju (za jednočlano d.o.o. uz minimalni ulog od 1,00 KM nije potrebna notarska obrada već je dovoljna notarska ovjera potpisa),
2. Odluka o imenovanju lica ovlaštenog za zastupanje – direktora,
3. Izjava o prihvatanju dužnosti direktora (ovjerena kod notara ili u opštini),
4. OP obrazac-obrazac ovjerenih potpisa lica ovlaštenih za zastupanje (ovjeren kod notara ili u opštini),
5. Lična karta za osnivača i direktora (ovjerena kod notara ili u opštini),
6. Potvrda banke o uplati osnivačkog uloga,
7. Prijava za registraciju poslovnih subjekata (elektronski popunjena),
8. Potvrdu o prebivalištu za lice ovlašteno za zastupanje i osnivača,
9. Poresko uvjerenje za osnivača (da nema poreskih dugovanja).

### VAŽNE NAPOMENE:

- \* ako je osnivački ulog veći od 1,00 KM ili ako ima više od jednog osnivača Odluka o osnivanju podliježe OBAVEZNOJ notarskoj obradi.
- \* nadležni sud prilikom odlučivanja može tražiti i druge isprave koje ovdje nisu navedene.
- \* ukoliko je direktor strani državljanin mora imati dozvolu za privremeni boravak nadležnog organa (Ministarstvo bezbjednosti BiH, Služba za strance) te ovjerenu fotokopiju dozvole priložiti registarskom sudu.

## TAKSE I NAKNADE

1. Zakonom o izmjenama i dopunama Zakona o sudskim taksama (Službeni glasnik RS, br. 67/13 63/14; 66/18), privredna društva su oslobođena plaćanja sudskih taksa u procesu registracije.
2. Taksu za upis spoljnotrgovinskog prometa privredna društva ne plaćaju ako je predmet ove djelatnosti upisan u osnivački akt.
3. Troškove objavljivanja upisa u Registar u „Službenom glasniku RS“ snosi podnosilac prijave (<http://slglasnik.org/oglasavanje-u-sluzbenom-glasniku/>).
4. Objavljivanje upisa u sudski registar, brisanje iz sudskog registra, stečaji, likvidacije i ostali sudski oglasi koštaju 7,00 KM po jednom kucanom redu na formatu A4.
5. Pečat privrednog društva se može izraditi u bilo kojoj pečatoreznici, gdje je na uvid potrebno dostaviti rješenje o registraciji privrednog društva. Izrada pečata iznosi 35,00 -70,00 KM.
7. Da bi privredno društvo počelo sa radom neophodno je da kupi i fiskalnu kasu, koja sa montažom i ugovorom o godišnjem servisiranju košta oko 1.000,00 KM.

## PDV BROJ

Prijava PDV obveznika, vrši se kod mjesno nadležnog regionalnog centra Uprave za indirektno oporezivanje BiH. Sva pravila i uslovi za registraciju poreskih obveznika definisani su Pravilnikom o registraciji i upisu u Jedinstveni registar obveznika indirektnih poreza („Službeni glasnik BiH“, broj 51/12; 68/16).

Ukoliko je riječ o privrednom društvu za koje se procjenjuje da će ostvariti godišnji prihod preko 100.000,00 KM, obavezan je upis u registar obveznika indirektnih poreza (radi ulaska u sistem PDV-a) koji se vrši u Upravi za indirektno oporezivanje BiH, a plaća se 15,00 KM. Za poslove vanjskotrgovinskog prometa plaća se dodatnih 15,00 KM.

Lice koje podliježe obavezi PDV, u prilogu zahtjeva, dostavlja sljedeću dokumentaciju (u originalu ili kopijama) čija ovjera nije starija od 60 dana:

Pravno lice:

1. rješenje o upisu u sudski registar kod svih vrsta registracija za PDV;
2. uvjerenje ili potvrda o registraciji od nadležne porezne uprave entiteta ili Brčko Distrikta BiH;
3. lična karta vlasnika i odgovornih lica pravnog lica, podnosioca zahtjeva;
4. dokument nadležnog organa u skladu sa propisima kojim je regulisana oblast rada i boravka stranaca u BiH, za odgovorno lice stranog državljanina;

5. punomoć kojom se ovlašćuje državljanin BiH da zastupa poreznog obveznika u postupcima sa UIO, u slučaju odsustva odgovornog lica-stranog državljanina;
6. pasoš ili drugi identifikacioni dokument za vlasnika i odgovorno lice-stranog državljanina i
7. karton deponovanih potpisa ovjeren od poslovne banke kod koje je transakcijski račun otvoren (za sve otvorene transakcijske račune) i obavijest o glavnom računu određenom kod ovlaštene organizacije platnog prometa, shodno entitetskim propisima o unutrašnjem platnom prometu.

Fizičko lice – samostalni preduzetnik:

1. rješenje/odobrenje nadležnog organa uprave o obavljanju djelatnosti, osim fizičkog lica – građanina koji se registruje za PDV u smislu odredbi člana 44. stav (6), člana 61. i člana 57. stav (1) i stav (12) Zakona o PDV-u;
2. lična karta podnosioca zahtjeva;
3. uvjerenje/potvrdu o registraciji od nadležne porezne uprave entiteta ili Brčko Distrikta BiH, (osim fizičkog lica – građanina koji se registruje za PDV u smislu odredbi člana 44. stav (6), člana 61. i člana 57. stav (1) i stav (12) Zakona o PDV-u);
4. karton deponovanih potpisa ovjeren od poslovne banke kod koje je transakcijski račun otvoren (za sve otvorene transakcijske račune) ili drugi dokaz o otvorenom transakcijskom računu za fizičko lice građanina koji obavlja oporezivu djelatnost i obavijest o glavnom računu, određenom kod ovlaštene organizacije platnog prometa, shodno entitetskim propisima o unutrašnjem platnom prometu;
5. dokument nadležnog organa u skladu sa propisima kojim je regulisana oblast rada i boravka stranaca u BiH i pasoš ili drugi identifikacioni dokument za fizičko lice-preduzetnika, stranog državljanina i
6. punomoć kojom se ovlašćuje državljanin BiH da zastupa poreznog obveznika u postupcima sa UIO, u slučaju odsustva fizičkog lica-preduzetnika, stranog državljanina.

U prilogu zahtjeva, lice koje podliježe obavezi PDV, neophodno je da dostavi sljedeću dokumentaciju:

- **Originalnu uplatnicu kao dokaz o uplaćenju administrativnoj taksi u:**
  1. iznosu od 10,00 KM kao taksu na zahtjev za registraciju i upis u Jedinstveni registar obveznika indirektnih poreza;
  2. iznosu od 10,00 KM kao taksu za izdavanje rješenja o registraciji i upisu u Jedinstveni registar obveznika indirektnih poreza;
  3. iznosu od 20,00 KM kao taksu za izdavanje uvjerenja o registraciji/upisu u Jedinstveni registar obveznika indirektnih poreza.
- **Zahtjev za registraciju i upis u Jedinstveni registar obveznika indirektnih poreza podnosi se nadležnom regionalnom centru - Odsjek za poreze.**

Ukoliko se traži registracija i upis u Jedinstveni registar obveznika indirektnih poreza po više osnova, dokumentacija koja je zajednička podnosi se samo u jednom primjerku. Sve dodatne informacije mogu se pronaći na internet stranici Uprave za indirektno oporezivanje:

[www.uino.gov.ba](http://www.uino.gov.ba).

## CARINSKI BROJ

Prijava za upis u registar Jedinstveni registar obveznika indirektnih poreza za obavljanje vanjskotrgovinskog poslovanja, vrši se takođe kod Uprave za indirektno oporezivanje BiH. U prilogu zahtjeva, registrovano lice u BiH koje obavlja vanjskotrgovinsko poslovanje, neophodno je da dostavi sljedeću dokumentaciju u originalu ili kopijama čija ovjera nije starija od 60 dana:

1. za pravna lica - rješenje nadležnog suda, a za ostala lica rješenje drugog nadležnog organa, za obavljanje djelatnosti vanjskotrgovinskog poslovanja;
2. uvjerenje/potvrda o registraciji od nadležne porezne uprave entiteta ili Brčko Distrikta BiH;
3. karton deponovanih potpisa ovjeren od poslovne banke kod koje je transakcijski račun otvoren (za sve otvorene transakcijske račune);

4. ličnu kartu vlasnika i odgovornih lica pravnog lica, podnosioca zahtjeva;
5. dozvolu za rad i prijavu boravišta, izdate od nadležnih organa entiteta ili Brčko Distrikta BiH za odgovorno lice-stranog državljanina;
6. pasoš za vlasnika i odgovorno lice-stranog državljanina;
7. punomoć kojom se ovlašćuje državljanin BiH da zastupa poreznog obveznika u postupcima sa UIO, u slučaju odsustva odgovornog lica-stranog državljanina.

Zahtjev za registraciju i upis u Jedinствeni registar obveznika indirektnih poreza podnosi se na obrascu ZR1. Zahtjevom se može zatražiti registracija i upis po jednom ili više osnova.

Registracija i upis u Jedinствeni registar obveznika indirektnih poreza može se vršiti po slijedećim osnovama:

- a) registracija za PDV i/ili;
- b) obavljanje vanjskotrgovinskog poslovanja i/ili;
- c) obavljanje djelatnosti međunarodne špedicije i/ili;
- d) registracija za akcizu.

Sve dodatne informacije mogu se pronaći na internet stranici Uprave za indirektno oporezivanje: [www.uino.gov.ba](http://www.uino.gov.ba).

## ■ PRIJAVA PRIVREDNOG DRUŠTVA I ZAPOSLENIH PORESKOJ UPRAVI RS

- Registracija poreskih obveznika je postupak u kojem se vrši dodjela jedinstvenog identifikacionog broja (JIB) licu koje je poreski obveznik, pri čemu nadležna organizaciona jedinica Poreske uprave vrši upisivanje identifikacionih podataka o poreskom obvezniku.
- Poreski obveznici podnose prijavu za registraciju na obrascima: PR-1 - Prijava za registraciju/evidentiranje pravnog lica ili PR-2 – Prijava za registraciju/evidentiranje preduzetnika ili PR-3 - Prijava za registraciju/evidentiranje stranca.
- Prijave je potrebno dostaviti u dva primjerka lično ili putem pošte na adresu područne jedinice Poreske uprave, sa naznakom naziva poreske prijave.
- Svi uslovi i način registracije i identifikacije poreskih obveznika definisan je posebnim Pravilnikom („Službeni glasnik RS“, broj 04/13).
- Novoregistrovani poslodavci ne moraju da idu u fondove pojedinačno da bi svoje zaposlene registrovali za doprinose.
- Prijave za registraciju u Jedinствeni sistem registracije, kontrole i naplate doprinosa vrši se putem Obrasca Prijave/Promjene/Odjave uplate doprinosa.

Informacije i obrasci na: [www.poreskaupravors.org](http://www.poreskaupravors.org).

## ■ ISPUNJENOST USLOVA U POGLEDU TEHNIČKE OPREMLJENOSTI, ZAŠTITE NA RADU I ZAŠTITE I UNAPREĐENJA ŽIVOTNE SREDINE

- Privredno društvo mora da obavlja djelatnost u prostoru koji ispunjava uslove u pogledu tehničke opremljenosti, zaštite na radu (Zakon o zaštiti na radu „Službeni glasnik RS, broj 01/08) i zaštite i unapređivanja životne sredine (Zakon o zaštiti životne sredine RS „Službeni glasnik broj, 71/12 i 79/15), kao i druge propisane uslove.
- Rješenje izdaje Ministarstvo rada i boračko-invalidske zaštite RS, a naknada za ovo rješenje iznosi 10,00 KM.

Napomena:

- \* Privredno društvo mora imati poslovni prostor - sjedište u odgovarajućoj kancelariji (ne može biti stan ili kuća) i bar jedno zaposleno lice tj. u radnom odnosu,
- \* Poželjni su i podaci o ovlaštenom knjigovođi.

Ažurirano: juni 2024. godine

